



17353

kat.komp

I

Mag. St. Dr.

P

Nowakowski Alb. Laudatio funebis
Jeron. et Juris. Vladislai IV.

PANEG. et VITAE

Polon. 4^{to}

HE 1087

1790
1791

1792
1793

V

M

M

L A V D A T I O
F V N E B R I S

S E R E N I S S I M I & I N V I C T I S S I M I,

V L A D I S L A I I V
P O L O N I A R V M
E T

S V E C I Æ R E G I S.

Magni Ducis Lituaniæ, Russiæ,
Prussiæ, Masouïæ, &c. &c.

A

M. ALBERTO NOWAKOWSKI, *Philosophia
Doctore, ac in Alma Acad. Crac. Col. Vlad. Nouo-
duorsciano Gram. Professore.*

Decimo octauo Kal. Februarij. A. D. 1649,
pio in Serenissimum defunctum affectu.

E X H I B I T A.

BIBLIOTHECA UNIV.



UNIVERSITATIS

C R A C O V I Æ,

in Officina STANISLAI BERTVTOVIC,
Anno Domini, 1649.

IN STEMMATA
PERVETUSTÆ DOMVS
SVLOVIANÆ.



17313 I

CRACOVENSIS
VNIV. IAGELL.
BIBLIOTHECA

*Quid sibi vult Stapes, erit hîc qui forte requirat?
Scilicet egregij militis, indicium est,
Hoc suffultus eques rabidum ruit acer in hostem
Nec patitur Patriam dexter, ab hoste premi
Stemmata clara suo multos durabit in annos
Hoc suffulta diu, SVLOVIANA Domus.*

cun
cra
Re
Illu
sio,
ta e
tan
affe
am
quo
Don
eius
xim
mun
cun
fica
ne,
quod
dislo

Illustri ac Magnifico Domino,
D. A D A M O
DE SKOLYSZYN,
S V L O W S K I
PALATINIDÆ RAVENSI.

Domino & Benefactori.



Va nuper in obitum Serenissimi VLADISLAI IV. Poloniarum & Sueciae Regis Potentissimi, priuatim à me conscripta sunt, in publicum offerenda, Tibique Illustris ac Magnifice Domine consecranda esse censui; ut scilicet per hoc & in Serenissimum Regem nostrum, pie defunctum mea prodat se pietas, & in Te Illustris, ac Magnifice Domine, singularis animi mei propensio, quod tibi hac offerre voluerim, maximè declaretur. Tanta enim Regis istius in nos omnes extitit semper humanitas, tantaque beneficentia, ut in eius ex hac vita decessu, pium affectum in tradendis omni posteritati eius praeclare gestis etiam demortuo non testari, easque silentio inuoluere nefas quoddam esse videatur. Tua verò Illustris ac Magnifice Domine summa in me beneuolentia, amorque singularis est eiusmodi, ut pro tuis amplissimis in me beneficijs collatis, maximoque fauore, quo me semper prosequeris, me Tibi debere multum, fateri est necesse. Quare ut Tuo bono in me affectui, cum ex aequo non liceat, saltem aliquatenus respondeam, testificandi animi mei gratiâ, ad Te Illustris ac Magnifice Domine, hasce laboris mei exigui funebres primitias deferò. Non quod nouum aliquem in Tuo corde dolorem ob mortem Vladislai excitare in animo habeam: praesertim tum, cum iam

A 2

exspe-

ex speciali quadam Diuina prouidentia, nacti sumus Regem,
Ioannem Casimirum Quartum feliciter modernum, Libera-
torem, ac Restauratorem, iam iam labentis Patria, nostrumq;
omnium Conseruatorem, quem ad extinguendum, tanti, non
ita pridem in Russia, exorti belli incendium, & ad sopiendos
omnes in Patria tumultus, non in terra natum, sed quasi de cæ-
lo delapsum intuemur. Ex quo omnes iure letari debemus,
quòd eum Regem Diuino munere nobis concessum habeamus,
per quem Vita, salus, & integritas nostra, nobis est restituta.
Vbi enim crudelis & omni humanitate exuta Cosacorum mul-
titude eum feliciter in Regem electum audiuit, ita eius auto-
ritatem venerata est, ut ab omni crudelitate illico destiterit.
Neque minùs Tu Illustris ac Mifice Dñe letaris in hoc Princi-
pe, qui post amissum Vladislauum, non aliū, quàm hunc deside-
rasti, ut potè eum, apud quem ille Sultionum decus, Christo-
phorus Sulowski, Palatinus Rauensis, (Parentem Tuum
Clarissimum intelligo) gratiā multum ualuit, & Tu Illu-
stris ac Magnifice Domine, eiusdem ipsius Regis Clementissi-
mi, quo nunc omnes unice delectamur, in longinquas terras
exterasque nationes, socius, & Comes fidelissimus extitisti.
Non quòd inquam vulnus illud, quod ex morte Vladislai
Resp. accepit in corde tuo recrudescere uelim, eam Tibi tri-
stem materiam offero: sed quia dignum esse iudico, ut im-
mortalis Vladislai gloria multorum scriptis celebretur. Ac-
cipies igitur Illustris ac Magnifice Dñe, grato animo istud,
quod Tibi à me insignum propensi in Te animi offertur leui-
dense munusculum, neq; magis rem Tibi oblatam, quàm affe-
ctum offerentis pensitabis. Vale.

Illustris ac Magnifice D. P. deuotissimus

M. Albertus Nouakowski.



ORATIO.

GRavis vnicuique mortalium fati ineuitabilis
ictus, quem inimica Parca, morte abrepto
VLADISLAO IV. Poloniae & Sueciae Rege potentif-
simo, Reipublicae Poloniae inflixit, me quoque qui sim-
plici Orationis Stylo, tristem & omnibus nobis, quasi
fatalem eius ex hac vita decessum deplorare conten-
do, non leuiter perculit, maximoque in luctu constitu-
it, Ciues Poloniae maestissimi. Mœror enim hic publi-
cus, quem ex immaturo, & omnibus dolendo, Optimi
Principis occasu, Omnes huius Regni florentissimi
Ordines accipiunt, eò me ducit, atque impellit, vt in
hoc luctuoso & calamitoso Reipublicae tempore, quo
gubernatore suo Optimo destituta, omnibus suis orna-
mentis spoliata, afflicta vndique, ac penè prostrata ia-
cet ingemiscens, meritò lugere, atque in lachrymas
bonorum omnium exemplo solui effundi que debeam.
Tantum scilicet potest publicus dolor, atque calami-
tas, vt velut ex condicto omnium animos potenter in-
uadat, neque inter solas publicas Reipublicae Personas
valeat consistere, nisi etiam in priuatas aliquomodò
deriuetur. Et meritò quidem. Sicut enim in latis re-
bus, prosperisque euentibus Reipublicae congaudere,
sic ex aduerso in tristibus condolere, eamque mœrentē,

vnumquemque bonorum Ciuium imitari decet. Ita-
que & ego, cui tanquam priuato homini, in vmbratili-
bus Heliconis Academici vmbris viuere, versarique
licet, in partem iusti doloris venire debui; nec vlllo mo-
do dissimulare possum, quin eo casu, quo vniuersos
Reipublicæ Ciues grauissimè afflictos esse video, ma-
ximoperè doleam, tamque repentinum à nobis Magni
Vladislai (heu! nunquam iterum redituri) disces-
sum deplem, ac insuper grauem omnibus nobis eius
quem amissimus Regis, mortem denuntiem. Quid e-
nim grauius, vnquam quid luctuosius, quid acerbius
nobis vniuersis euenire potuit? quàm mors eius Re-
gis, in cuius vita, & fortuna nostrum omnium salus, &
integritas erat constituta. at verò nunc prohi dolor!
quanta mala, quanta incommoda, ex eius obitu in-
Reipublicam dimanarunt, non modò vident, sed eti-
àm sentiunt vniuersi. quæ certè non fierent vnquam,
si ille nobiscum vnâ, vitâ superstes ipse frueretur. Qua-
propter, cum ita sit vt quantum eius vita commodi,
tantum mors detrimenti secum nobis attulerit, nemini
dubium est, tristem eius à nobis recessum, iure meritò
esse deplorandum. Sed vt vnicuique res clarior sit, qua-
lis, & quantus, & quam de Republica benè meritis fu-
erit is, quem nunc inimicis fatis, nobis inuidentibus a-
missum dolemus, non tam temeritate quadam incon-
sideratâ aut audaciâ, quam officio vel potius pietate er-
ga Serenissimum defunctum adductus sum, vt tanti
Principis eximias dotes, verèque regias ac penè diui-
nas virtutes, laudibus extollam atque deprædicem. Et
quamuis ex ijs quæ dicenda sunt, multa sint eiusmodi,
quæ ful-

Ita-
atili-
que
mo-
erfos
ma-
gni
cef-
eius
de-
pius
Re-
, &
or!
in.
eti-
m,
ua-
odi,
ini
itò
ua-
fu-
s a-
on-
er-
nti
ui-
Et
di,
ul-

quæ fulgore suo ita perstringunt oculos, vt mentis meæ
aciem anteuertant, & de sede victam magnitudine re-
rum deturbent, quò minus dignè id, quod suscepi per-
ficiam: tamen & temporis ratio, & rei dignitas, & de-
bita in Serenissimum Regem defunctum, quæ etiam
post fata iure ei debetur veneratio, atque pietas, hoc à
me exigit, vt si minùs dignè & accuratè omnia, at sal-
tìm aliqua, quæ in laudem Regis istius, virtute, factis,
famâ insuper ipsâ, post hominum memoriam clarissi-
mi dici debent, in medium afferam. Itaque in laudes
tanti Regis excursurus, non tam audax in dicendo,
quàm officiosus esse cupio: neque nimis curiosè om-
nes virtutes eius egregias Oratione persequi volo, sed
breuiter quasdam attingere, mihi in animo constituo.
Tanta enim virtutum, laudumque ipsius, tamque co-
piofa offert se multitudo, vt meritò mihi dicendum sit:

Quò ferar ignoro copiaque ista nocet.

Quâ in re non alia arte mihi vtendum esse censeo, quâ
eâ quæ frequenter apud pictores obseruatur, cùm in-
gens aliqua multitudo hominum, in exigua tabella il-
lis est exprimenda. paucorum illi tantùm, cum toto
corpore vultus efformant, nonnullorum ora integra,
multorum summa tantùm capita ostendunt, totum ve-
rò reliquum corpus abscondunt. Quod quidem non
ob aliam faciunt rationem, nisi vt & multitudinem in
paruæ tabellæ spatio demonstrent, & tabulam illius
multitudinis capacem non esse palàm, coram omnibus
fateantur: ita me, cui innumerabiles Regis Vladislai
virtutes, enarratuque difficilia, æternis dignissima lau-
dibus facta, in angustum brevis Oratiunculæ curricu-
lum,

lum, concludenda sunt, quòd omnia expressè poni & sufficienter explicari non possint, aliqua tantum attingere, nonnulla commemorare, multa silentio præterire est necesse. Dicam igitur de VLADISLAI IV. Regis Potentissimi, Inuictissimi, Sapientissimi, singulari eximiaque virtute, eiusque laudes omni posteritatis memoriâ dignissimas hoc præsertim lugubri tempore celebrabo. Quia vero omnes & singulas propter eas, quas paulò ante commemoraui rationes. Oratione persequi non possum, magnam illius prudentiam, iustitiam, pietatem, submissè venerabor: pauca de magnitudine animi, fortitudine, munificentiaque referam, ad extremum virtutem bellicam, per quam splendor eius nominis, apud exteras etiam nationes longè latèque resplenduit, enarrabo. Sed tamen in his enumerandis ita moderabor dictioni meæ, vt mihi non tam dicendi copiam, quàm modum in dicendo quærendum putem. præsertim cum abundè exploratum habeam, in nullo tantam esse dicendi vim, tantamque copiam, meritis ac virtutibus Vladislai parem, qui tam copiosi ac multiplicis Argumenti partes omnes dignè pertractare ac persequi possit.

Atque vt ea omitam, quæ alijs summæ laudi esse ducuntur, Patriæ claritatem, Nobilitatem Generis, Nominis splendorem, Formam, Opes, Facultates, & plurima id genus alia, quæ sunt partim naturæ, partim fortunæ beneficia, illa tantum nequaquam prætermittenda sunt, quæ sunt eius propria, ex quibus vberissimum, & cumulatissimum laudum suarum fructum potest reportare: illa verò tanquam aliena, ex quibus vera laus & gloria,

& gloria, quæri non potest relinquenda. Neque enim
veram laudem eam esse puto, quæ provenit ex ijs,
quæ casu aut naturâ alicui adveniunt, aut in qui-
bus fortuna inest, atque in ea ius, & dominium la-
tè extendit suum, sed eam quæ est rectè factorum, præ-
sertim, à recta ratione liberaque voluntate humana
provenientium. Qua in re assentitur mihi præstabilis
vir sapientiæ, gravissimisque, & omni laude cumulatus
Seneca, qui quòd in sublimiori loco aliquis, nobilique
genere prognatus sit, Parentibus, si formosus Naturæ,
si diues Fortunæ, laudem tribuendam esse existimat: so-
lam veram, verèque propriam homini laudem, quæ ex
bonitate, morumque probitate nascitur, relinquit, eiusque
propriam non alienam esse vult. Non igitur ex his,
sed ex ijs, quas iam proposui virtutibus, Vladislauum,
Regum Maximum laudandum esse existimo, quibus
eum supra cæteros mortales floruisse certum est, qua-
rum præstantiam non modò exequare dicendo, sed as-
sequi cogitando arduum est atque difficile. Ac in pri-
mis de eius summa in rebus agendis prudentia (quæ
prima & potissima eaque Regia virtus est) dicendum
mihi esse existimo. Quæ tanti momenti tantique va-
loris in vnoquoque Principe atque Imperatore esse
consuevit, ut etiam hostibus Patriæ insensissimis, ma-
gnus terrorem non rarò incutiat, & quò minùs fini-
bus Patriæ suis incursionibus noceant, cauet, magnaque
ex parte hostem remoratur. Cuius quidem rei claro
potest esse documento acerrimus Romanorum, ^{hæc} Innato
contra illos odio inflammatus Dux Carthaginensium
Annibal, qui non tam vim Fabij, Dictatoris Romani,
B quàm

quàm eius prudentiâ terrori sibi fuisse palàm est professus. Neque verò de eo vana fuit ipsius opinio, qui non armorum vi, sed cunctatione, quæ eius maximæ prudentiæ certissimum erat indicium, tantum Imperatorem, cuius bellica virtus omnibus est nota, expugnavit, & debellavit. Eâ virtute hic Princeps gloriosissimus, ita clarus extitit, ut illi non humanitùs à natura data, sed diuinitùs infusa videretur, ob eamque summæ apud omnes esset admirationi. Nam quæ prudentiæ, propria attributa sunt, magistram multarum rerum experientiam habere, rebus ac verbis solerter, & cum ratione uti, futura prospicere, iisdem rectè providere, omnia consilio agere gubernareque, ea omnia tanta in hoc vno visa sunt, quanta in reliquis omnibus, quos aut novimus, aut vidimus non fuerunt. Si enim in eo rerum experientiam spectemus, quis obsecro illo rerum experientiâ clarior? quis illustrior? quis in ea exercitior vnquam aut fuit aut esse potuit? qui à pueritiæ disciplina grauib; Reipublicæ negotijs, bellisque semper interesse solebat, vnde maximâ multarum rerum experientiam sibi conquistavit. Rebus verò ac verbis, quàm prudenter, quàm solerter, quàm parcè, cautèque utebatur, omnibus quidem, sed ijs præcipuè, qui erant ei semper proximi, satis constat. Sed fortasse quamobrem hoc faciebat quæretis? sciebat nempè prudentissimus Princeps, quantum intersit ijs, in quorum potestate Regna & Imperia sunt, nosse tempora, quibus eos loqui, aut tacere oporteat, ne per verba minus cautè prolata, secretum, si quod servari oportet, in vulgus exeat, eiusque divulgatum sermonibus, in omnes mun-

nes mundi partes spargatur: unde sibi aut toti Reipublicæ ingens damnum sequeretur. Agè verò futurorum & Reipublicæ impendentium periculorum, quàm fuerit prouidens, omnes etiam inimicissimos (quorum neminem eum Principem propter summa eius in omnes promerita habuisse credo) fateri esse necesse. Ita enim futura prospiciebat, vt maiore studio, curâ, diligentia, prospicere non posset. An non magnum huius rei argumentum est Arx Urbis Cracouiæ? quæ cum naturâ parùm munita, multis adhuc ad sui munitionem indigeret, eam ille muro, vallis, fossisque non sine maximo sumptu circumdedit, non quòd certum aliquod periculum futurum speraret, sed quòd experientiâ variisque multorum casibus eruditus, nihil sub sole esse stabile, nec ex omni parte beatum, aliquando eadem posse accidere autumabat. Neque hoc sine graui ratione mihi fecisse videtur. Sciebat enim se nosque omnes in ea tempora incidisse, vbi non more Sparthariorum, oppositis pectoribus, in plano, cum hoste, pro libertate Patriæ, pro aris, atque focus, pro coniugibus, atque liberis, Marte fortiter esset decertandum, sed à fortissimis mœnibus, munitissimisque propugnaculis, arte exstructis, atque fabricatis, impetui hostili resistendum. Stant præterea pro testimonio illius prouidæ rerum prudentiæ, duo armamentaria ad portam Castrensem, eius sumptu exædificata, quæ ipse propter tormēta muralia ad reprimendum arcendumque procūl à mœnibus hostem, Urbemque defendendam asseruanda, exstrui, ne autem prospectui arcensi aliquomodo officerent, ad eum, quo sunt exstructa modum fabricari curā-

ri curauit. Quæ quidem omnia hoc periculoso Reipublicæ tempore, quo effrenata rebellium Cosacorum cum maximo salutis nostræ discrimine grassabatur audacia, nostro vsui vix non serueuissent, ad remque nostram valuissent, ni Dij boni hoc tantum malum a nobis auertissent. an hoc non ipsius summæ providentiæ documentum est? iudicate. Quod autem reliquum Regiæ prudentiæ est, rationem in consilium adhibere, neque quidquam sine consilio aggredi, ab eo ne latum quidem (vt dicitur) vnguem aberrare voluit, in quo rectam actionum humanarum regulam excedere, voluntatisq; directricem vellet inconsultam habere rationem. Nihil enim temerè, nihil inconsideratè, nihil inconsultò aggrediebatur, quod non prius diligenti mētis trutina perpenderet. Sic enim sibi persuadebat, & ante inceptum consilio & post consilium maturè facto opus esse. Quis igitur erit tam iniquus rerum æstimator, qui tantam ei virtutem non tribuat, aut aliquid de ea imminuat? nemo profecto, Auditores, sed omnes concordī & vnanimi voce hanc virtutem præstantissimā, verèque Regiam in eo laudabunt, prædicabunt, admirabuntur. Sed quoniam parum est in Rege laudari prudentiam, nisi adsit Princeps, & Regina virtutum omnium, (quæ Regibus alijsque in Republica Principibus viris, supra cæteros mortales in excelso maiestatis suæ solio, sublimiq; dignitatis gradu constitutis, maximæ solet esse commendationi) iustitia, non alienum à re mihi visum est, de Vladislai Regis, omnibus fatis cognita iustitiæ virtute, aliquid commemorare, qua in re nemini certè dubium est, quin eā idemipse
Rex

Rex multum sit commendabilis. Ego enim sic existimo Iustum Regem, Principem Imperatorem, aut quemuis alium gregis sibi commissi pastorem, atque Rectorem non alium dici debere, quam eum, qui nemini nocet, neminem eorum, qui suae potestati, aut regimini subiecti, traditiq̃ue sunt, eo quod possit opprimat, sed unicuique ius suum, quodque ei iuste iureque debetur, tribuit, semperque tribuendum putat. Nequaquam enim iustus ille dici meruit, qui non pro ratione, atque iustitia, sed pro libidine res gerit (hoc enim faciunt ij qui Tyranni potius, quam domini esse didicerunt) neque is, qui nomen virtutis, & iustitiae sibi usurpat, quid autem ipsa virtus, iustitiaque sit ignorat : sed is iusti nomen iure sibi vendicat, qui & in quo consistat iustitia optimè nouit, & neminem afficit iniuriâ, & secundum iustitiam operatur : nullâ personae, nullâ amicitiae, nullâ priuati alicuius respectus, sed solius æquitatis habitâ ratione. At hæc quanta in nostro Vladislao fuerit considerate. Non ille secutus est eos vnquam, apud quos stat pro ratione voluntas, sed vnumquemque iure suo, priuilegijs immunitatibus, libertatibusque sine vlla offensione gaudere permittebat, eos præsertim, qui ijs modestè, non insolenter, & licentiosè vterentur, non abuterentur. Quod quidem intellectum mihi est in multis, sed maximè in eo ipso, cum sub eo Rege, in causa Academiae nostrae Cracouiensis, de Priuilegijs, & immunitatibus eiusdem, deq̃ iure docendi, diu in varijs maximèq̃ diuersis, seculari scilicet & Spirituali iudicijs agitata, disceptaretur. In quo ille, ita se iustum, causæq̃ iustiori fauentem præstitit.

dicē, vt nihil fuerit, quòd cōtra se esse factum ipsa queri posset iustitia. cū ab eius iudicio, sicut nostri sine lucro, suam enim rem domum portarunt: ita illi cum quibus agebatur, sine damno; nihil enim perdiderunt, recesserunt. Quod ego, quia non nisi ingrato possem præterire silentio, idcirco hanc laudandi Sapientissimi, Iustissimi, simul ac Inuictissimi Principis, nactus occasionem, id ipsum commemorandum putaui.

Iam verò quā fuit ille in Deum pietate, quāue in promouenda verā Christi Religione, cultūque diuino constantiā, quo in Fidem Orthodoxam Catholicam zelo, vel ex hoc ipso satis luculenter intelligi potest, quòd omnes ad veram Christi fidem religionemque non solum inuitare, sed etiam congregare voluit. At hoc quomodo dicetis? non multis hāc in re laborandum esse censeo, cum ita vnicuique satis sit euidens, atque manifesta, vt non multā egeat probatione. ad cuius fidem faciendam, vnicum quod commemorare volo, sufficere puto argumentum. Reuocate quæso vobis in memoriam, illud non ita pridem elapsū tempus, quo ille omnem animum ad id applicauerat, vt omnes ab errore manifesto Hæreseos ad veræ fidei Catholicæ agnitionem, sine qua nullus saluus esse potest, adduceret. Quid sibi quæso voluit illud Charitatiuum Thorunenſe, cum dissidentibus, atque à vera fide Catholica alienis colloquium, quod ille Serenissimæ Sux Maiestatis autoritate decreuerat, conuocatis præsertim, quos eo tempore conquirere colligereque potuit, morum sanctissimorum probitate, vitæ integritate, insuper summā eruditione clarissimis viris, qui cum ijs de vera fide

que- ra fide, religioneque, quæ non est alia, nisi Catholica se-
fine riò loquerentur. Voluit quippè Rex meritò dicendus
cum Catholicissimus, vt illi tandem aliquândo pijs & sapien-
unt, tissimis eorum adducti rationibus resipiscerent, erro-
sem rē suum, quo sunt illaqueati, cognoscerent, rectam verò
imi, viam, quæ ad cælestem illam ducit Regionem; ingre-
cca- derentur feliciter, atque eorum vestigia, qui benè am-
bulârunt (assumptâ fide Catholicâ, repudiatis verò
pro- suæ peruersissimæ fidei, quâ orbem inficiunt fædissi-
con- mis erroribus) arriperent, & sequerentur. Quod
elo, quidem, vt eò felicius succederet, cùm ipse ei collo-
quod quio, cuius author fuerat, interesse non posset; seu
a fo quòd id Regiæ suæ Maiestatis dignitas non pateretur,
quo in tam graui negotio, vsus est fide & operâ Illustrissimi
esse Dñi Georgij de Tęczyn Ossolinski, S. R. I. Principis
ma- Excellentissimi, Supremi Regni Poloniae Cancellarij,
em viri summâ eruditione, omnibus commendantissimi,
suffi magnâ Iudicij Ingenijque vi laudatissimi, qui Sux Se-
in- renissimæ Maiestatis absentiam, suâ suppleret præsentia
quo ibique locum eius teneret: atque illius Personam in il-
s ab lo graui actu repræsenteret. Accedit & illud ad eius
e a summam in Deum pietatem, quòd impiorum Hære-
ce- ticorum, impias quoq; congregationes sustulerit, illisq;
ho- peruersæ eorū religionis exercitio interdixerit. Ex quo
oli- profectò quisq; intelligere potest, quanta in illo fuerit in
Ma- Deum pietas, cùm in illius religionē tanta fuerit animi
im, propensio. Sed quoniam de eius in Deum pietate satis
no- mihi dixisse videor, nunc de magnitudine animi, For-
per tindine, Liberalitate atque munificentia, pauca refe-
ve- ram, quæ qualia sint considerate. Atque inprimis ani-
fide mi eius

mi eius magnitudini, quæ par Oratio potest inueniri?
quid est, quod quisquam, aut tanto Principe dignum,
aut vobis nouum, aut cuiquam inauditum possit affer-
re? incredibile dictu est Auditores, quantum eâ valu-
it, quâque ita præstabat alijs, vt ei non ab arte data, sed
cum eo nata esse videretur. Nihil enim vnquam leue,
nihil humile, nihil abiectum, sed semper aliquid excel-
sum, & animo suo Heroico dignum cogitabat; nihil
agebat vnquam, in quo non eius magnitudinis animi,
singularis virtus eluceret. Testantur idipsum sua, quæ
in vita gesserat, penè innumera præclare facta, quæ il-
lius animum Heroicum, vanis cogitationibus, aut le-
uibus occupationibus, deditum esse nequaquam per-
miserunt. At de fortitudine, quæ etiam Regia virtus
est quid referam; stupet animus Auditores, mirabilẽ
hanc in eo virtutem, quâ cæteris excellere visus est ad-
mirando. Quem enim virum fortem dicendum puta-
tis? non alium intelligo, quàm qui vtriusque fortunæ
vim, prudenter tolerat, in prosperis rebus non insole-
scit, in aduersis animo non cadit, sed aduersus omnia
pericula, variosque instabilis, & lubricæ fortunæ casus,
animum impavidum gerit, nullis eius minis, nullis pro-
cellis, nullis tempestatibus in hanc & in illam partem
flectitur, sed fortiter & animosè eius impetum sustinet,
imò mortis ipsius vim non exhorrescit, eamque quo-
uis in loco, sine vlla animi trepitatione expectat, ad ex-
tremum qui inferioribus & impotentioribus facile
ignoscit, potentioribus firmiter resistit. Neque enim
fortis vlllo modo appellari potest is, qui vires suas in eos
qui sibi resistere non possunt, exerit potentioribus ve-
rò, aut

rò, aut æqualibus facilè ipse cedit. Non fecit hoc vnquam Vladislaus, qui virtutem suam non in eis, quos facilè posset vincere exercuit, sed eam in maximis periculis varioque rerum discrimine, sicut aurum in igne probatam esse voluit, sensit enim in discrimine debere apparere qui vir. Itaque ad magna natus eius animus, non cedebat malis, sed eis expoliebatur, eoque magis instantibus resistebat, quò grauius premerent, ad palmæ arboris similitudinem, quæ quò grauiore pondere suis ramis imposito ad terram premitur, eò magis sursum se erigit; ita Vladislaus inter cæteras virtutes suas admirandas, hanc quoque mirabilem habuit, maiorem semper in aduersis, quàm in prosperis rebus animum suum eluxisse. Agè vero mortem ipsam, quæ omnium in vita terribilium terribilissima est, ita contemnebat, vt eam nequaquam sibi timendam esse, aut fugiendam putaret. Sciebat enim viro forti turpem esse fugam mortis, honestæ præsertim, & omni morte turpiorem, illisque solis terribilem, quorum cum vitâ omnia extinguuntur, non ijs quorum laus emori non potest. Quia verò virtus fortitudinis non in eo solo mihi consistere videtur, omnem aduersæ fortunæ impetum animosè & sapienter sustinere, sed etiam in prospera animum non pati insolentem: hanc quoque singularem virtutem in Vladislao nobis liceat admirari. Magna, profectò est laus, virtusque summâ commendatione digna aduersis instantis fortunæ casibus non commoueri, sed longè præstantissima in rebus prosperis animo non efferri, cùm difficilior multò sit prosperæ, quàm aduersæ fortunæ victoria; quòd hæc apertè in-

animum hominum irruat, illa blandiendo occultè capi-
piat. Sicut enim hostem aduersum opprimere, stren-
nuo homini haud difficile est, occulta pericula euitare,
nulli sit in promptu: sic aduersæ fortunæ, quæ apertè
in aliquem irruit ac oppugnat vehementissimè, facilius
est resistere, quàm arridentis, quæ instar cuiusdam la-
tentis, interni, ac domestici hostis est, blanditijs non ca-
pi. Idcirco sapientissimus Seneca à recto iudicio mini-
mè mihi aberrasse videtur, qui in Castris fortunæ,
quàm in delicijs esse maluit, quod ibi virtutis exerciti-
um, hic vitiorum occasionem amplissimam se inuen-
turum sperabat. Sciuit præterea vir propter suam vir-
tutem & sapientiam omni dignus præconio, nihil esse
magis contrarium rationi atque constantiæ, quàm for-
tunam, quæ bonam mentem aufert, & animum in ad-
uersis rebus stare solitum, sæpenumerò insanum reddit.
Quod si exemplis comprobare licet. Quid obsecro
Xerxem Persarum Regem, innumerabilis exercitus
Ducem atque Imperatorem, in tantam adduxit insa-
niam, vt prosperæ Fortunæ impatiens Deorum more,
ventis etiam ac fluminibus regnare, atque imperare
voluerit? non aliud profecto quàm Fortunæ prospe-
ræ intolerantia, quæ tantum in illo infatuando potuit;
quantum aduersæ potuisset nunquam. Sed nec Ale-
xander Magnus eius culpâ vacabat vitij, qui secundis
rebus merfus, quarum nemo fuit intolerantior, eò de-
uenit insanix, vt ex habitu nouæ Fortunæ, quam bello
feliciter gesto acquisiuerat, Dario magis similis, quàm
Alexandro esse cæperit, humique iacentium, atque
Deum se vocare non erubescantium, desideratas adu-
lationes

lationes (quæ Regibus omninò pestiferæ sunt) grati-
tis auribus excipere non dubitârît, fæda insuper suppli-
cia, & Rege minimè digna, cædesque amicorum exer-
cuerit. Tanta est vis prosperæ Fortunæ, vt eam diffici-
lius sit, quam aduersam superare. & certè plures illu-
stres viros accepimus ex aduersâ, quam ex prospera
Fortuna triumphasse. Solus cum paucis admodum
Vladislaus talis est repertus, qui vtramque Fortunam
animo æquabili ferebat semper, eâque sic utebatur qua-
si non ille sub Fortunâ, sed sub eius Fortuna potestate
esset. Iam verò quântâ fuerit liberalitate, quântâ mu-
nificentia considerate. Vnde sibi tantam nominis ce-
lebritatem, tamque gratam sui apud omnes recordati-
onem, laudemque omnis obliuionis expertem compa-
rauit? non alunde profectò, quàm ex liberalitate. Hæc
enim inter alias, Regum singularis virtus est; quæ ho-
mines Diuinos reddere, nomenque eorum celebre ad
seram vsque posteritatem transmittere solet; neque vl-
la res ad gloriam homini comparandam accommoda-
tior esse potest, quàm sit munificentia atque liberalitas.
Hæc Cæsarem Iulium illustrem, atque immortalem
fecit. Hæc Pompeij famam toto orbe notissimam ex-
tulit. Hæc Alexandrum Macedonem, hæc Marcum
Antonium Oratorem. Hæc denique plurimos alios
immortalitate donauit. Sed ne in eis perconsendis, qui
hâc virtute clari extiterunt, immorer diutiùs, vanaque
loqui videar, ad Serenissimum nostrum Vladislaum
redeo, qui eâ virtute, tantum cæteros prætergressus est,
vt ij ad quos plurima beneficia detulerat, prius defessi
sint, eius liberalitatem laudando, quàm ille omnibus

benefaciendo. An enim quispiam munificentior, liberaliorque hoc Principe extitit vnquam? qui nullam benefaciendi occasionem prætermisit, quâ cuiuspiam aliquid boni à se fieri, etiam non rogatus neglexisset. Existimabat enim, nihil sibi esse gloriosius quàm benefacere, & nihil magis Regio animo dignum quàm liberalitatem. In quo singularem animi magnitudinem virtutemque Heroicam declarasse mihi videtur, quòd ditare alios, quàm ditescere maluerit. Cum multò satius sit, & gloriosius beneficiorum, quàm trophæorum memoriam Regi relinquere. Audistis Auditores satis euidenter (vt opinor) maximas & tanto Rege dignas virtutes; perspexistis eximias dotes, animumque illius ad omnia præclara facta promptissimum cognouistis. nunc etiam virtutem bellicam, quantumque illâ valuerit, diligenter perpendite. An enim quenquam hâc virtute Imperatoriâ, quâ plurimi suum nomen celebre apud omnes reddiderunt; plus vnquam valere potuisse, quàm Vladislaum arbitramini? qui ad Martem, mirabilem quendam animum habens à natura sibi inditum, vix primam ætatem adolescentiæ attigerat, magnis rebus gerendis animum præparabat: ita vt nullum ei suauius esset otium, quàm in arte militari, vbi castra ponenda, quomodo, aut ex quâ parte hostis inuadendus, quâ arte vincendus sit institui, & exerceri. Qua in re ita sese exercuerat, vt prius hostes vincere, quàm cum illis prælium cõmittere didicerit. Testis istius rei est Prussia, per vim iure iniquissimo à Suecis alienorum bonorum nimium appetentibus occupata, diuque ab illis crudelissimè vexata,

xata, quæ Vladiſlao ad eam ex hoſtium manibus vindicandam venienti, ſine profuſione ſanguinis, atque ſine vlllo prælio commiſſo, ne vnâ quidem haſtâ confractâ vtrò ab ijs, qui eam nullo niſi belli iure, (quod ſæpenumerò iniquum eſt) poſſidebant, fuit reddita atque reſtituta. Senſit præterea & expertus eſt bellicam Vladiſlai virtutem, immaniſſimus Turcarum Imperator, qui inſatiabili regnandi cupiditate accenſus, raptor & prædo Regnorum nefandiſſimus, Abazy Baſſam, Ducem ſui exercitus, numeroſis militum inſtructum copijs, vt Vladiſlaum in Moſchouia bello grauiffimo occupatum, à tanto negotio abſtraheret, ad nos in eius abſentiâ infeſtandos tranſmiſit, mandauitque, vt feliciſ quondam Ruſſiæ, nunc afflicta, Podoliæq; ei regioni vicina, agros popularetur, vicos exureret, vaſtaret Vrbes, noſtros miſeros Ciues in ſeruitutem raperet, alios trucidaret, & ſi per Fortunam (quæ in bello plurimū valet) licuiſſet, Regnum etiam ipſum Poloniæ occuparet. Verum eâ ſpe fruſtratus, cum nihil inde lucri, cuius animo id fecerat, acciperet, turpiter à bello deſiſtere, ſuoque contentus eſſe debuit. Hic enim Dux, qui iuſſu ſui Imperatoris huc prædandi animo venerat, vix Vladiſlaum ex Moſchouia re ibi feliciter geſtâ cum magnâ victoria redeuntem audiuit, ſubitò ita perterritus eſt, vt fædus cum Gente Polona inire cūraret, atq; ſic rebus non perfectis, ſine triumpho, quem parabat ſi vicuiſſet, ſine præda, quam magnam ſe accepturum ſperabat, ſine ſuperbo illo, cum quo venerat animo, ſuam ferens confuſionem, à noſtris finibus recedere, eoque vnde venerat, abire ſit coactus. Teſtis ad extremum

C 3 est ipſa

est ipsa Moschouia, studijs asperrima belli, mirâ qua-
dam eius virtute militari superata, quæ quantò fuit ar-
mis instructior, tantò formidolosior, & ad vincendum
difficilior : eam tamen ille primo ferè aditu ita edomu-
it, vt quæ ante Polonis vltro bellum intentauerat, mox
pacem, quam paulò ante oderat, supplex peteret, vtque
sibi à Clementissimo Vladislao ignosceretur postularet,
Fuit igitur Vladislaus bellicosissimus, optimèque in ar-
te militari exercitatus, qui tanta, tamque grauiabella
in ipso ad Regni gubernacula ingressu magnâ dexteri-
tate confecit, tot hostes superbos ac formidabiles bello
superauit, tot ac tantas victorias, ex immanissimis, Pa-
triæque nostræ infensissimis hostibus, felicissimè re-
portauit. Hæc verò quâ celeritate quâue felicitate fe-
cerit, etiam me tacente, vel ex his ipsis, quas adduxi vi-
ctorijs, facile est vnicuique iudicare. Quis sperasset a-
liquando illud bellum Moschouiticum tam ingens ab
aliquo celerius, quàm confectum est, potuisse confici?
aut Sehinum illum, immensi exercitus Moschouitici
Ducem, qui idem bellum (cuius ipse magnâ ex par-
te author extiterat) septennio apparabat, aliquot mē,
suum spatio superari? Is tamen eâ celeritate à Vladislao
ita superatus est, vt illi in tam breui spatio nullus ad re-
redeundi locus relinqueretur, meritòque illud victor
Vladislaus, quod à Cæsare in Pontico Triumpho, di-
ctum perhibetur, ab illâ pugna feliciter redeunte, veni,
vidi, vici, de se dicere potuisset. Non piget hic comme-
morare, quantâ in bellis fuerit laborum tolerantia,
quantâque constantia, qui non prius ab hostibus patri-
am infestantibus persequendis cessauerit, priusquam
omnes

qua- omnes debellauerit, & Patriam pacatam reddiderit.
t ar- Non fuit veluti venti, aut ij qui stadia currere solēt, qui
dum à sui cursus initio, celeri nimis & impetuoso feruntur
mu- impetu, in medio verò cursu fracti debilitatiq; langue-
nox scunt, in fine deficiunt: sed semper strenuus, quouis
que tempore consilio & Marte pollens Patriam, cui natum
ret, se esse scierat, defendere voluit, nullumque tam ingens
ar- erat periculum, quod ille pro Patria subire aliquando
lla. recusaret. Felicitate quoque tantâ fuerat, vt eum For-
teri- tuna, non tam fouisse, quàm ei seruiuisse videretur. Et
ello quis iam erit tam rudis aut simplex homo, qui ista om-
Pa- nia quæ ad virtutem bellicam spectant in Vladislao nō
re- agnoscat? qui ex tot tantisque victorijs, tantam sibi a-
fe- pud omnes exteras nationes authoritatem, vt nomen
vi- ipsum Vladislai hostibus esset terribile, comparauit.

Talem igitur ac tantum Regem, tot tantisque rebus
gestis, ac virtutibus illustrem, virum pacis bellicæ ar-
ci? tibus, & inprimis clementiâ longè clarissimum amisi-
ici mus, nobis omnibus iuremerito deplorandum. Or-
ar- bati enim sumus optimo Principe; quid dico Principe,
æ, dicam melius Parente Patriæ, pro cuius salute atque
o integritate, non fuit illi graue omnes labores perferre,
e omnes molestias subire, omnia pericula, quæcunque
or illi accidere potuerunt sustinere. Eo inquam Rege, bo-
di- no, prudente, sapiente, clemente, iusto, de Patria, &
ni, Ecclesia optimè merito sumus destituti; quem pro-
e- pter virtutes eius egregias, quod se ita in terris strenuè
â, optimeque gereret cælum ipsum, ad quod est transla-
ri- tus nobis inuidere videbatur. Felicem quidem illum,
m quòd è tenebris his in lucem, & ex vinculis corporis in
es veram

veram libertatem, regionemque illam cælestem, vbi
piorum animæ sempiterno æuo perfruuntur feliciter,
sit perductus: at nos infelices, qui cum illo amisso om-
nem nostram felicitatem, quam viuentē illo habui-
mus, & pacem illam, quā feliciter regnante illo, diu
cum exterorum inuidia fruebamur, eheu dolendum!
amissimus. Tanta enim mala, tamque crudelia tem-
pora eius mortem subsecuta sunt, quæ maxima damna
per rebelles Cosacos, immanitate ipsas Tigrides, &
quasuis etiam ferocissimas bestias superantes, Reipub.
intulerunt. Videre nunc licet afflictæ Russiæ, vicos ex-
xustos esse complures, multa Oppidorum proiecta ia-
cere cadauera, vastatas Vrbes, tot Ciues innocentissimè
trucidatos, totam deniq; Russiam, vbertate agrorum,
& magnitudine pastionis abundantem, lacte & melle af-
fluentem in hostium potestate esse. Quos quidem fun-
nestos omnes & Reipub. horribiles, miserisque casus
nunquam videremus, si inuictum & omnibus hostibus
Reip. formidabilem Vladislaum haberemus. Non im-
manium Scytharum terror nos perterrisset, non Co-
sacus perfidus, ad opprimendam Patriam, ad depopu-
landum finitimorum agros, ad vastandas Vrbes, & Op-
pida, ad expilanda Deo dicata & consecrata templa, nō
ad conculcanda pedibus suis sceleratissimis, (quod
maximè dolendum est) Sanctissima Sacramenta,
non insuper ad crudelissimè mactandos Ciues, aliaque
innumera patranda scelera tantum animi habuisset.
Sed iam orandi finem facio. Recessit igitur à nobis
Magnus Vladislaus, Parens Patriæ, Hostium terror,
Orbis delictum, Lumen ac splendor Polonorum. Rex
Pruden-

Prudentissimus, Inuictissimus, qui numerosis hostium
nescius aliquandò cedere phalangibus, solius mortis
vi succubuit, cuius impetum, nemo sustinere, nemo fu-
rori eius resistere, nemo ictum euitare potest. Hic à
vobis ô Proceres atque Ciues Poloniæ, iam in aliam re-
gionem translatus, nihil vult, nihil optat amplius, nisi
vt eum affectum, quo viuentem hîc persecuti

estis erga defunctum in pijs ad Deum Opt.

Max. supplicationibus pro anima

ipsius fundendis libenter te-

stimini. DIXIT.

13



Biblioteka Jagiellońska



sidr0013424

